

## მემორანდუმი ურთიერთთანამშრომლობის შესახებ

თბილისი,

18 სექტემბერი 2019

შპს განათლების ევროპული ცენტრი, (შემდგომში - „ცენტრი“) წარმოდგენილი მისი დირექტორის, ზურაბ ბეჟასვილის (პ/ნ 01008044992) სახით და შპს „მართვისა და კომუნიკაციის საერთაშორისო სასწავლო უნივერსიტეტი“ (შემდგომში - „სასწავლო უნივერსიტეტი“), წარმოდგენილი მისი რექტორის, ნათია გოცაძის სახით, ხელმძღვანელობენ რა ურთიერთგაგებისა და პატივისცემის პრინციპებით, გამოხატავენ თანამშრომლობის სურვილს და დებენ წინამდებარე მემორანდუმს შემდეგზე:

### 1. მემორანდუმის საგანი

წინამდებარე მემორანდუმის საგანია მხარეებს შორის ურთიერთთანამშრომლობა, რომელიც გულისხმობს ცენტრისა და სასწავლო უნივერსიტეტის ერთობლივი ძალისხმევით საზოგადოებასთან ურთიერთობისა, სამართლის და სტრატეგიული კომუნიკაციების მიმართულებით მაღალკვალიფიციური სპეციალისტების მომზადებას, მათი პრაქტიკული უნარების გაუმჯობესებას საქართველოს უმაღლესი განათლებისა და საერთაშორისო სტანდარტების შესაბამისად. მემორანდუმით ასევე გათვალისწინებულია დასაქმების ბაზრის მოთხოვნებზე ორიენტირებული კადრების მომზადება-გადამზადების ხელშეწყობა მათი შემდგომი კარიერული წინსვლის უზრუნველსაყოფად.

### 2. მემორანდუმის მიზანი

- 2.1. უმაღლესი და პროფესიული განათლების განვითარებაში წვლილის შეტანა, მაღალკვალიფიციური, კომპეტენტური კადრებით შრომის ბაზრის უზრუნველყოფა, ურთიერთთანამშრომლობის ისეთი სისტემის ფორმირება, რომელიც შეესაბამება განათლების საერთაშორისო სტანდარტებსა და თანამედროვე კარიერული წინსვლის მოთხოვნებს.
- 2.2. ერთობლივი მიზნობრივი პროგრამების/პროექტების, კვლევითი საქმიანობის დაგეგმვა, შემუშავება და განხორციელება, რომლებიც მიმართულია დარგის განვითარების, საგანმანათლებლო-სამეცნიერო პოტენციალის ამაღლების, აკადემიური სწავლების გაუმჯობესების, ჯანსაღი თაობის ფორმირებისა და პიროვნული განვითარების სრულყოფისაკენ.

### 3. მხარეთა უფლება-მოვალეობები

მემორანდუმის მიზნების მისაღწევად, მხარეები უზრუნველყოფენ:

3.1. ერთობლივი პროექტების განხორციელებას, რომელიც მოიცავს:

- ა) საგამომცემლო საქმიანობაში მხარდაჭერას;
- ბ) სასწავლო უნივერსიტეტის სხვა და სხვა სკოლების მიზნობრივი განვითარებაში ხელშეწყობას;

- გ) ერთობლივი კონფერენციების, მასტერკლასებისა და სხვა აქტივობების განხორციელებას;
- დ) სასწავლო და პრაქტიკული მიზნებისათვის საზოგადოებრივი ურთიერთობებისა და სტრატეგიული კომუნიკაციების მართვის თანამედროვე მეთოდოლოგიაზე დაფუძნებული აქტივობების განხორციელებას;
- ე) სტუდენტებისათვის მოქმედი პროგრამებით გათვალისწინებული პრაქტიკული კომპონენტის უზრუნველყოფას;
- ვ) მხარეთა მატერიალური და საგანმანათლებლო რესურსებზე (საბიბლიოთეკო რესურსები და სხვ.) ხელმისაწვდომობის უზრუნველყოფას წინასწარი შეთანხმების საფუძველზე.

3.2 თითოეული განსახორციელებელი აქტივობის დეტალები ექვემდებარება წერილობითი ფორმით დამატებითი შეთანხმების გაფორმებას, რომელიც წინამდებარე მემორანდუმის განუყოფელი ნაწილია.

#### 4. მემორანდუმის მოქმედების ვადა


- 4.1. წინამდებარე მემორანდუმი ძალაში შედის სასწავლო უნივერსიტეტის მიერ ავტორიზაციის პროცესის წარმატებით გავლის მომენტიდან განუსაზღვრელი ვადით.
- 4.2 მემორანდუმი შესაძლოა შეწყდეს ორივე მხარის ინიციატივით, ნებისმიერ დროს წინასწარ გაფრთხილების 3 თვიანი ვადის დაცვით. შეწყვეტის შესახებ შეტყობინების შემთხვევაში მიმდინარე პროექტებთან დაკავშირებული ვალდებულებები ძალაში რჩება მათ დასრულებამდე.
- 4.3 მემორანდუმი შედგენილია თანაბარი იურიდიული ძალის მქონე ორ ეგზემპლარად და ინახება მხარეებთან.

#### მხარეთა რეკვიზიტები:

შპს განათლების ევროპული ცენტრი  
405240314

დირექტორი

ზურაბ ბეჟაშვილი



მის: თბილისი, ს. ჩიქობანის 9/11  
ტელ: 555114884  
ვებ-გვერდი: [www.ece.com.ge](http://www.ece.com.ge)

შპს მართვისა და კომუნიკაციის  
საერთაშორისო სასწავლო უნივერსიტეტის  
405284473

რექტორი

ნათია გოცაძე



მის: ბაგები, წყნეთის გზატკეცილი 67  
თბილისი, საქართველო  
ტელ: (+ 995) 555 710001  
ვებ-გვერდი: [alterbridge.ge](http://alterbridge.ge)

